

## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

De Arianis Constantinopoli qui & Psathyriani denominabantur. Cap. XXII.

**urn:nbn:de:hbz:466:1-12704**

S O C R A T . H I S T O R .

*Luc. 5.* verbi gratia: in nauem ingressus docuit: Pascha in cœnacu-  
*Marci 14* lo parari iussit: asinam alligatam solui mandauit, hominem  
*Mat. 21.* gestantem lagenam aquæ, signum dedit discipulis, qui ad  
*Marci 14.* Pascha parandum maturabant, alia præterea infinita in euâ-  
geliis eius generis scripta sunt. Atque nullum istorum om-  
nium externo & corporeo more, vt litera postulat, obserua-  
re nituntur hi, qui propter festi celebrationem se iustifica-  
tos esse putant. Nam nemo illorum è naui aliquando apud  
populum concionatur: nemo omnino in cœnaculo Pascha  
celebrare aggreditur: nemo cum Asinam ligauerit, eam de-  
nuo dissoluit, nemo denique cuiquam negotium dat lage-  
nam aquæ gestandæ, vt ea, quæ sunt rerum simbola expletat.  
Etenim hæc aliaq; id genus Iudeorum potius quam Christianorum propria existimant. Nam Iudei eiusmodi insti-  
tuta corporea potius obseruantia, quam interioris meritis  
cultu obseruare contendunt. Quam ob causam sunt execra-  
tioni obnoxii, quod legem Mosaicam in vmbbris ac fi-  
guris, potius quam in rebus ipsis & veritate positam intel-  
ligunt. Qui autem Iudeorum fautores sunt, tametsi has res  
ad altiore diuinioremq; sensum transferunt, tamen de die-  
bus & mensibus bellum excitant grauissimum, interio-  
remque & sublimem, quæ in illis est notionem, quasi pedi-  
bus proterunt: & propterea hac in parte pari ratione cum  
Iudeis necessario condemnantur, sententiamque execra-  
tionis sibi ipsi asciscunt. Verum de his satis superque me  
dixisse censeo.

*De Arianis Constantinopoli qui & Psathyriani de-*  
*nominabantur.* C A P . X X I I .

**R**EDEAMUS iam ad illud propositum, de quo paulo ante  
mentionem fecimus: nimirum quod ecclesia semel di-  
uisa, non in prima illa diuisione constituit, sed illi, qui  
erant in sectas diuisi, rursum singuli se à sua ipsorum secta  
separarunt, leuiq; & pertenui occasione arrepta, sc ab se mu-  
tuuo abiunxerunt. Nam Nouatiani, vti dixi, propter festum  
Paschatis diuisi fuerunt, atque adeo de hac re, non est vna  
folum inter illos diuisio. Nam in variis prouinciis non  
modo de mense, in quo illud festum celebrari debet, sed  
etiam de diebus septimanæ illius, in qua celebratur, & de  
altis

aliis rebus non magni momenti dissentientes, partim ab se  
ipsi segregantur, partim cohærescant. Quinetiam Ariani  
inter ipsos diuisi sunt ob hanc causam. Questiones con-  
trouersæ captiosæq; inter eos quotidie agitatæ, illorum di-  
sputationes ad absurdas quasdam sententias & opiniones  
prouixerunt. Nam quoniam in ecclesia creditur Deum esse  
patrem filij verbi, questio inter eos oborta est, vtrum Deus  
ante, quam filius existeret, pater dici posset. Et quia Dei  
verbum non ex patre generatum, sed ex non essentijs exti-  
tisse opinabatur, in primo & summo quæstionis capite lapsi,  
non sine causa in absurdam contentionem inciderunt.  
Dorotheus igitur ab illis Antiochia accersitus, dixit non  
posse patrem aut esse, aut vocari, si non existat filius. Mari-  
nus, quem è Thracia, ante Dorotheum, euocauerant, tem-  
pus oportunum nactus (ægre enim ferebat Dorotheum si-  
bi prælatum) cōtrariæ sententiæ patrocinium suscepit. Qua-  
de causa ipsi inter se diuisi fuere: ac cum propter inanē illā  
voculam, quæ erat ante prolata, essent seiuoti, separatim  
alter ab altero conuentus fecerunt: & qui parebant Doro-  
theo, in proprijs ac suis locis manserunt: qui autem Marini  
sententiam sequebantur, extruxerunt sibi ecclesiæ. Con-  
uentus seorsum egerunt: denique docuerunt patré, semper  
patrem fuisse: etiam cum filius non existeret. Appellaban-  
tur isti Psathyriani, propterea quod Theoctistus quidam  
Psathyropolia, id est, placentarum venditor, genere Sy-  
rus, ardenti studio huic opinioni patrocinatus est. Cuius  
sententiam secutus est Selenas Gotthorum episcopus, vir  
genere permixto ortus: nam pater eius Gothus fuit: mater  
autem Phryx. Et ob eam causam vtroque sermone expedite  
in ecclesia docuit. Hæc secta haud diu post etiam diuisa  
fuit: quippe Marinus cum Agapio, quen: ipse ad episcopatu-  
m Ephesi extulerat, cœpit contendere. Atque isti duo nō  
de religione, sed de primatu propter nimium honoris stu-  
dium, quo animi illorum tenebantur occupati, inter se de-  
certarunt. Gothi ab Agapio potius steterunt. Quamob-  
rem multi clerici, qui erant de istorum episcoporum ecclæ-  
siis, odio contra eos ob concertationē illam ex inanis glo-  
riæ cupiditate ortam concepto, ab illis descivierunt, seque-  
totos addixerunt fidei Consumentialis. Ariani igitur ad  
trigin-

## S O C R A T . H I S T O R .

Triginta quinque annos inter ipsos diuisi , post, Theodosio iuniore, & Pretore Plintho Cos. Quotquot Psathyriano- rum hæresi fauebant , quorundam hortatu inducti , finem contendendi fecerunt . A quibus , post reconciliationem factam , tanquam lege sancitum fuit , ut quæstionis , quæ fu- erat quasi contentionis caput , nunquam deinceps fieret mentio . Atque istud nusquam nisi Constantinopoli præ- stare potuerunt . Nam in alijs ciuitatibus , in quibus forte sunt Ariani , eadem inter ipsos manet contentio . Ve- rūm de Arianorum deuisione hactenus sermonem pro- duximus .

*Quod Eunomiani quoque inter se discordarunt, va- riis nominibus ex sectarū authoribus appellati.*

C A P . X X I I .

**P**Orò Eunomiani inter ipsos fuere separati . Nam Eu- nomius ipse ab Eudoxio , qui illum iam pridem episco- pum Cyzici designauerat , arrepta occasione , quod Aëtium magistrum suum ab ecclesia eiectum nollet admit- tere , dissidere coepit . Quinetiam alii qui ab eo nomen ha- buerunt , in varias sectas disperiti sunt . Nam prim Theophronius quidam Cappadox , qui captiosas argutias cer- tandi studio accommodatas ab Eunomio didicerat , & pingui Minerua , vt aiunt , Aristotelis tum categorias , tum librum de interpretatione animo complexus erat , li- bros compositus , eosq; de mentis exercitatione , inscripsit . Vnde in odium apud suæ religionis fautores incurrens , ab illis , tanquam sectæ suæ desertor , eiectus fuit : qui conuen- tus separatis ab illis faciens , hæresim suo ipsius nomine nuncupatam reliquit . Deinde Constantinopoli Eutichi- us quidam leui frigidaque controversia commotus , se ab Eunomianis seiuinxit . Ac iam conuentus seorsum agit . Itaque qui Theophronum sequebantur , Eunomotheo- phroniani , qui autem Eutichium Eunomieutychiani ap- pellari sunt . Quam inanes ineptæque , res sunt de quibus dissentunt , non putaui operæ preium huic nostræ histo- riæ man-